

意
世宗憲皇帝入宮中
光緒三十三年丁卯
高等法院

翼、齋漫錄

丁卯正月連為別直於慶德宮矣十五日傳曰洪勿為

夜直領敦寧趙額上劄曰伏以臣伏聞東宮有微感之氣

為便承候今方來待於慶德閣下矣即又伏聞洪勿為夜

直之傳教云洪此時不可暫離直次伏願即收成命為答

曰省劄具悉劄陳是矣依施為更為就別直○十九日東

宮暨嬪宮還于昌德宮罷別直第○二月十九日拜戶曹

參議○二十日謝恩○二十五日大臣脩局堂上引見右議

政閔滌戶曹判書金^始漢城判尹^聖應兵憲判書李^周鎮禮曹

參判金^儒鰲行都承旨洪^彥漢校理具^儒假注書趙^臣事^變

假注書宋^恒瑩記事官尹^時疎鄭^時入侍時戶曹判書金^始烟^始曰八

道年分啓目今已畢到矣昨年之分定某年比摠故比準於
各其年則關西諸道不無些少出入而忠清道劃給
外加給至於千餘結所當依定式為之而其數既不過
多且係 宵台前事似當勿論故惶恐敢達右議政閔
滄曰朝家既有拿問之定式而既發 筵中則恐不可置之
也 上曰戶判所達過於忠厚推考此則依律令舉行可
也○三月初一日就理○初三日納供曰矣身奉職無狀自速
置對震悚之極無地自措大抵湖西昨年農形慘被水災
五十餘州舉皆告歉而當初地部事目比摠豐歲中間備
局加許亦甚零星以此 朝家所劃之災較諸各邑災頃之數
則太半不足無以分排而勘田之政事體甚重稅入之縮不可

不念故嚴飭列邑更覈虛實案災結則減之又減案結則括之
又括而亦不忍勒徵白地之稅以蓄窮民之冤畢竟都數自
致減縮於案摠事當更為狀聞以俟 稟處而郵序晚而
磨勘甚急邇職久而交龜且迫其間事勢有未及回旋不
得已經先修啓雖其本情曾出於軀 聖上如傷之盛德而
立法之初自不免犯科之歸私心悚慄若無所容揆以邦
憲合被重律惶恐云云伊日保放○初六日因傳教蒙放
初七日上辭疏曰伏以臣供職無狀自犯置對之科 聖度寬
大施赦宥之典追愆頌恩惶感交切災荒劇而案摠不旦
之狀交龜迫而未及狀請之由已悉於金吾供辭今不必更事
覲纓而道臣事體既與繡衣有加給災結又非發倉之比而

朝家申禁之初未免自臣先犯其重田政飭藩體之道其不可
寅緣倖違以壞朝綱也決矣臣承聞奉命適在於受暖省
墓之時因夜疾馳重感風寒屢日處冷諸症越添蒙宥
調治少無所減頭疼氣眩貼席漚漚瞶痞而飲啖不能順
下痰淫而肢體殆難收拾以此病狀尤無束帶之望茲陳
短章仰瀆宸嚴伏乞聖明俯賜諒察亟賜遄罷以昭法紀
以安私分不勝萬幸云云呈政院還出給○五月初二日明政殿
親臨殿講時以叅老官受點出榜後罷退○二十日聖上有微
感至設候班而感氣猝劇未叅候班故陳病辭職疏曰伏以
臣於農壇陪從之時微有暑感之氣而不至大段及夫歸家忽
然大寒戰大發熱病是輪疾症如毒疔肢節則如針亂

注

刺咳喘則如鉅急引勺水纔飲嘔氣輒發雜試醫治了無變動昏、滯、與鬼為隣者凡三箇日矣長單請急蓋出調治之計見阻喉司方切悶蹙之忱即伏聞 玉候欠寧至設庭候寸心憂違曷有其極在臣分義固當拚死趨奉於具僚之末少效微誠而昏綴之氣無以自力欲起還仆終未趨造病裏惶隕生不如死茲敢倩搆短章仰瀆於靜攝之中臣罪尤大伏乞聖明垂降嚴譴以昭法記以安微分不勝大願云云呈政院還出給○二十二日 王世子有微感 傳曰戶曹叅議洪

與醫官同為入侍于 東宮差備自今日至六月初 日

車為入 闕問候 王世子微感平復後不為入闕問候○初十

謝恩○十三日歡慶堂承旨儒臣入侍

時上曰承旨與儒臣進前洪及修撰黃杞進前上曰如今番

引洪謚事謂之耳所聞而為之乎杞曰殿下若許人隨事盡

言則臣當行公宜嘉獎之上曰所達則有古人風若論是事則

曰是而若論非事則亦可嘉獎乎甫今至堂亦達之予許隨

事盡言而甫不言耶杞曰臣新自避鄉來無可達之事上曰

無可達云者非矣目今紀綱頽敗豈無可達之事乎杞曰臣將

達矣以今番弘錄言之叅下削盡者有之矣上曰誰也杞曰申

晦也晦申懇之子申晚之弟豈不可為南床而以叅下未付職為

之此非南非弘也又有在喪而叅錄者矣上曰李轍何不達之杞曰

在喪是者轍也上曰此言則是矣李轍邇萊伯而大臣欲因

以陞資予以為非軫莫可則已不然苟艱仍命為濤尹即今官

方則淆亂非南非弘言果是矣桺曰直為南床豈不可乎上曰
予欲處分謝恩後不為挾冊罪矣予非以達申晦事謂之公
心而其言則果如甫父之言矣卒任間甫父有所達而予尚記之
甫之所達不負甫父矣桺曰雖南床無不可而以不付職之泰
下為堂錄是非矣洪曰此言似抑揚矣上曰承旨之言是
矣南床豈可多乎予嗣服以後北伯李城宗及李輔天而已錄
之中申晦李懌豈皆為南床乎桺曰懌喪中弘錄似無不
可而不出六為之故官方終涉何如臣言案非私意也上
曰予雖衰耗豈不知私意乎成楸亦陞六而為之乎洪曰此
亦一體也似於其日陞六矣上曰舉糸未下耶洪曰此
則不知矣上曰是必有前例而領相金龜為之矣洪曰

領相多識古事宣為無前例之事而外間則不聞有前例矣 上曰此爾所見乎聞物議乎 桺曰此臣之所見也

臣萬々不似論思之職則決不可行公矣 上曰爾年幾

何 桺曰四十九矣 洪曰儒臣雖新入生疎而咫尺蓬席有辭若職者然推考何如 上曰非特推考也將有處分矣

上曰雖無洪益之事爾欲自劾乎 桺曰臣學無識雖無人

言亦欲自劾矣 上命承旨書傳旨仍教曰玉堂之擢揔從

此無期矣主圈之人似尤為擢揔矣 洪曰甲晦李轍政合於揔

冊登遙今如此可惜矣 上曰成天亦可惜也 洪曰然矣而

此非々斥其人不必永為擢揔矣 上曰此則緊矣異於李衡

李應

事矣應雖有其病不為關係矣洪

曰李應

若有病則

朝廷必不使之挾冊登造而今若已差則豈以舊病有所妨害

乎 曰黃柳之論此二人不及於成概予精言柳非故為斥此二

人自至於概洪

曰渠與成概聲聞不相及此二人皆熟習故

其言如是矣

上曰弘錄之擿捶者李

應

李

衡

申

晦

李

毅

成

概

五人也洪曰又有一人為

上曰誰也洪

曰安傑也

上曰李

應

肥鈍予知以為純宗矣皆可惜洪

曰甲李成三人皆最合玉

堂者安

傑

亦善文矣

上曰承旨知之乎洪

曰科場有名於升

學為二下二中而且為畫壯故人皆稱之

上曰左相趙顥亦言

其善文矣洪謚大体則無隱而予以惜其人之意言之矣安傑其

為人亦精而不浮矣傳曰修撰黃柳渠若自劃於堂錄宜乎

儒臣詣闕終不挾冊分義道理俱涉寒心修撰黃柯拿處以

次退出○十五日歡慶殿都承旨李輔註右副承旨洪入侍時

洪曰即見黃海水使李註昌宸貶啓本則邊將無一人居下

殊無嚴明殿最之意推考警責何如上曰允洪曰即見

京圻水使趙註鞬貶啓本則邊將亦無一人居下殊無嚴

明殿最之意推考警責何如上曰允洪曰即見南兵使

趙東昇黃海兵使趙註統制使李祥啓本則邊將無一人居下

殊無嚴明殿最之意並推考警責何如上曰允遂退出○十

六日陞左副承旨○同日歡慶殿大臣秋曹堂上嶺南御史引

見時領議政金註魯右議政閔註滌刑曹判書趙註錫命左副承旨洪

嶺南御史韓註輦假注書李註慶記事官鄭註齡沈鏡入侍伏訖

領議政金鼐曰近來蒸熱特甚此時 聖體調攝若何 上曰無

事矣今日以盈德獄事有可下詢故召卿等耳朱子畫像去

處不可不推覈而關係重矣其令奉道查覈乎更遣御史為宜

乎拿致京獄為宜乎各陳所見可也領議政金鼐曰獄事則

御史既已了當而影愼去處所當窮覈更遣御史無妨而拿

致京獄亦好矣右議政閔瀾曰獄案則御史既已究竟只

為推尋影愼一款而更遣御史亦似不便拿致京獄似好

矣趙錫曰臣意則更遣御史拿致京獄俾無所妨矣洪曰

臣亦初聞此獄事甚為驚恠矣後聞嶺伯金尚魯尚及審理

使金尚典尚之言以為此獄似冤若平心推覈可得端云矣今

見御史別單誠如其所傳矣拿致京獄則影愼去處之

推覈恐不如即其地而推之渠雖曰埋置沙汰必無至今
留置之理雖嚴覈末由得之千里之外拿致遠人轉相連
引者必衆無辜之人橫罹往來貽弊不輕此亦不可不慮
也影幘致真果埋置必已朽盡若已投諸水火尤無可得
之路臣則知終不可更得矣 上曰然矣影幘今必無似不
可得矣然重其事之道不可不自京獄了當矣頃者以李
夏躋事追悔此後非強盜則勿施治盜之律事既已下教
載於續大典則當該縣令不遵受教而亦非無討捕而輕
施亂杖已涉矇然噫渠雖無狀名以為士則亦豈可遽施治
盜之刑其時縣令之諉府拿囚勘以重律其中應問在京者
令捕廳即為機捕送秋曹一體嚴問 上曰影幘作姦人

亦是士子耶領相金辭曰戶長之子亦入其中豈可謂士子

也右相閱應曰出入於鄉校書院則可以為兩班故如是爭奪

矣上曰永川孫後聯慶州李墀獄事御史既已廉問覈宗

反獄分付道臣嚴加同推期於取服其時營將中慶瑞拿問處

之而府尹鄭濟弘既犯不法方有拿命令該府以此嚴問領相金

辭曰刑曹事宗為可憫矣前頭將有查事而判書趙命錫乃是

入耆社之人叅判叅議亦皆老病不可無愛通矣洪曰刑曹

三堂若聞此語則自當呈辭亦適矣上曰既知其衰老而不即愛

通以致三堂之一時呈辭亦似異矣以誠心待臣之道愛通可矣遂

退出○二十八日歡慶殿承旨入侍時上曰常山府夫人祿捧給

之乎洪曰常山府夫人祿捧因廷臣陳建有賜給之命

而未和果受之否耳

上曰廩祿賜給與否追後問啓可也遂

退出○七月初二日歡慶殿儒臣左副承旨洪

入侍時

上曰近來之人不欲為臺職若授則反怒政官自趙命已然

矣又

命讀禮曹判書權

權疏

命書批答曰好得可避之

道洪曰續大典有兩司互勘勿許引避之文臺官帶推似

無不可行公之理矣

上曰牌不進推考亦為行公故領相金

醵頃以勿避之意陳達矣既載續典則不當引避承旨之捧入

亦非矣當該承旨推考可也洪

曰頃者重臣以裳巖伐石

處以破石更等事仰達而此則恐不可成也堪輿家之言皆

以為不可仍真云若以難等則近於叢祠若以泥灰三物交

合貼石添補則似勝於不為矣

上曰曾見畿內等牆

處付以油灰而非久剥落况泥灰乎恐無益矣洪曰泥

灰異於油灰久則成石矣吳儒曰竊有所懷今因言端敢

此仰達矣洛昌家若知浮石之為害至於此境則初豈

為此而且京兆如或及時禁止則終豈浮出耶且臺疏只

論洛昌而不論該堂殊失論事之體矣宗臣雖已自朝

處分而該堂有不能禁斷之罪臣謂京兆當該堂上宜罷

其其職也上曰臺疏果宜并論而不為之矣儒臣吳儒

所達得體依為之而儒臣之請只論首堂耶並論三堂耶

須明白陳達可也吳儒曰臣意則三堂一體不必區別矣

洪曰聞其時有所管郎廳報京兆之事而堂上有題辭者

云諸堂不必混入矣吳儒曰然則題辭堂似當之矣上曰政院

捧現告時以其時題辭堂上捧入可也遂退出○初四日歡

慶殿金吾三堂上請對引見時判義禁金若同義禁李

世徐命左副承旨洪入侍左副時承旨洪曰漢城南堂上罷

職當依日昨稟定以題辭堂上捧現告而取考京兆去來文

書則部官負報狀以為十二月望前始後云門部將手本以為

十一月念間始後云部將之言是也則十一月間行公堂上雖

無題辭之事當為該堂部官之言是也則十二月間行公堂

上勿論題辭間有無似為該堂而本院有難區別現告敢此仰

達矣上曰部官報狀題辭者誰耶洪曰十二月行公判尹也

上曰從部官所報而捧現告可也洪曰今日都承旨入直故假

注書李稿以上注書例當入直矣申時已過則今此入侍之注書

所當申退而既入於儀者入侍座目單子故不得變通而又

為入侍矣既是申後入侍則入直注書使之入侍而此注書使

之出去可也 上曰然則入直注書使之入來可也李星慶星出去李高

入侍假注書李高追後入侍洪 曰殿最例有日限而安東

前府使李頴赴任日淺入於殿最矣宗果有所坐則道臣南良泰

之狀聞論罪可也而至於限前考績有違格式且闕後獎慶尚

監司南麟推考何如 上曰依為之又教儒臣讀之吳儒讀資

治通鑑自癸亥以劉晏為太子賓客止晞將兵救之 上曰下番

讀之金福讀自已未鈞南鄴度使嚴武破吐蕃止賜爵武都

王上曰承旨讀之洪 讀自永泰元年春正月癸卯朔以百官迎

於光順門外送至寺 上曰注書讀之李高讀自僕固懷恩誘回

訖止京城解嚴 上曰下番翰林讀之宋載讀自初肅
皇止稅百官捧而給之 上宣醍醐一碗賜諸臣飲洪

曰五紀曆天子集用知曆者作之其云天子自為者
正如韓琦用范鎮歐陽脩而曰天下文章莫於是矣吳
儆曰承旨之言是矣 上曰然矣○十四日歡慶殿大臣備

局堂上引見時領議政金龜在右議政閔滌應吏曹叅判金龜

副司直徐九命禮曹叅判洪濬入侍右副承旨洪 曰近來若

有大臣及稟定備堂入侍之 命則不以次對例舉行矣今

日則初以大臣及稟定備堂來待書出榻教所當依近例

舉行而施有金吾堂上次對回入之命傳教既舉次對二字

故不得不以次對舉行矣 上曰予無次對之教而中官誤傳

當該中官推考可也○十八日 太廟展謂舉動時行都

承旨李

註

左承旨

韓

師

得右承旨

沈

星

鎮左副承旨

金

尚

迪右副承

旨

洪

同

副承旨

李

宗

迪入侍時

右副承旨

洪

曰

今此樂工

三

駕前擊鈔

宗是無前之事

兵曹之不能檢飭事

極未安該

曹堂郎並推考何如

李

註

曰擊鈔人既是樂工則與外人

闖

旨洪

同

副承旨

李

宗

迪入侍時

右副承旨

洪

曰

今此樂工

三

駕前擊鈔

宗是無前之事

兵曹之不能檢飭事

極未安該

曹堂郎並推考何如

李

註

曰擊鈔人既是樂工則與外人

闖

入者間異該郎亦何以知之而論以事體責問所歸郎聽不

可推考而心矣

上曰兵曹堂上推考禁喧郎廳令該府

處之可也洪

曰

樂工之駕前擊鈔宗是前所未聞之事不

可以循例擊鈔人所勘之律勘之令攸司從重科治何如

上曰若不飢餓則何至於此耶此宗可矜而不足治也然依為之

李

註

曰俄者樂工擊鈔之事典樂必無不知之理不可不罪之

李

註

曰俄者樂工擊鈔之事典樂必無不知之理不可不罪之

李

該院堂郎亦宜警責矣洪曰樂工輩所為典樂豈不知
之其悞越之習不可不懲至於該院郎廳不但同常時不
能檢下之失樂工輩灾減之代趁未推給致有無前之舉
亦不可無警責之道矣上曰此是無前之該舉該院行首
典樂宜同不能檢飭之飭令攸司科罪樂生樂工亦民也該
廳其若善為給代該院郎廳亦為善為區處則豈有此無前
之該舉王者申飭宜先其本賑廳堂上從重推考該院郎
廳令該府處之上曰似當以來此典樂捧現告渠必無不
知矣上命召摠管趙儼問曰造裝之甲外致飾而內無鐵者
也武云雖造裝甲而其中間鉄者或間之云然否儼曰既曰造裝
則豈有中有鐵者乎上命更召軍門事知教鍊官問曰頃以

造裝甲申飭禁斷矣俄見龍虎大將趙懌所著之甲外似造
裝而中間鉄之内又間掩蓋者云甲衣體製如此耶魚鱗之内
例有掩蓋者耶教鍊官曰魚鱗之内本無物矣 上曰大將
之甲亦如御甲内無掩蓋之物耶教鍊官曰然矣 上曰鐵甲例
短後大將之甲亦然耶教鍊官曰不然大將之甲則異於軍兵欲
存衣服模樣故長其後矣 上曰龍虎大將記過前語待
令於弘化門外事分付 上駐輦弘化門教曰龍虎大將
來待近處之意分付洪 曰有標信然後可以來待云矣
上曰既已記過則雖無標信可以來待矣藥房提調元景請
對日影熏勢請退輦入於門檐内 上從之 上曰龍虎大將
拿入 上曰禮房承旨樂心事分付兵曹判書鄭良進曰禁

衛別將方有拿命姑使金汝代察之意敢啓 上曰知

洪 曰侍衛宣傳官傳命緩之記過何如 上曰依

為之宣傳官曰趙中德以為未見標信不敢進來云矣

洪 曰此則事理似然矣 上曰既有代察之將則

中德便非將帥速為拿入可也此意送令旗言之中德拿

入後 上命宣傳官注視其甲宣傳官曰腰上有鉄

臂下無鉄之内有盖矣 上召都監教鍊官問曰城

內動駕固與郊外不同入幕次後則軍兵例為下馬

乎教鍊官曰例為下馬矣 上曰郊外舉動則鳴鑼

後下馬城內舉動時亦然乎教鍊官曰雖無鳴鑼之

節而有將令然後下馬矣 上命中德曰衣服雖各有

時體宜與軍兵相同 御甲亦無異於軍兵而甲獨自
異自以為異於凡將亦一驕字也且軍兵未解甲而
甫先解不耐暫時之苦如此既習緩急能與士卒同
甘苦乎頃日監役所謂驕將正如甫之謂也以有如
甫驕將故致使軍兵狂得悍字之補矣遂命決棍宣
傳官傳命之際誤以為將驕故卒亦悍洪 曰侍衛宣

傳官不善傳命記過何如 上曰依為之領敦寧趙顯請

對入來 上望見曰領敦寧何為入來耶遣史官傳諭使

之進來趙顯曰此人武臣輩之所愛惜願勿過杖使之重傷

且甲無定制或有外面施鐵者矣 上曰勿過杖之言是矣

上曰事極驕慢初欲準十度矣日熱方甚故止於五度矣遂

命拿出 上曰此乃何許人也洪 曰此乃趙澤之姪也

上曰人則頗善矣此乃勸武者乎洪 曰然矣 上曰曾入捕

將望乎洪 曰未入矣 上還宮諸臣退歸○二十日行副司

直金應 疏曰伏以臣罪在溺職宜被大何而薄勸未幾思

叙特降仍畀以前帶之戎任臣於惶慄墮越之中不覺感

淚之沾襟臣性本悠泛觸事情：非但臣自病之抑亦

聖明已俯燭之矣臣於昨秋旬後忝叨漢府而適有採薪之

憂未即祗謝及至晦間始乃強疾出肅中間奉府事母

論大小臣未得與聞及夫歲初因脩局甘結自奉府飭查

於該部則部官回報洛昌家浮石事始出矣臣之肅命在於

畢役前二日則不能察禁之罪臣案難追故臣於向日已

有自劾之章而至於題辭一款部報既曰已為浮出故臣
意以為既浮之石不可復完縱橫路徧走碍觀瞻故果
以既浮之石今無奈何令本家運去此後則各別嚴禁
為題臣實迷昧唯知申嚴於方來未覺論罪於既往
此莫非臣悠忽無心之致惶悔之極噬臍何及然臣此
題得失固無及於前冬已浮之石而遙臣以此現奏於該堂
論罪之際臣實莫曉其故也臣又有惶惑者當初始後
月日部官所報與部將手本各異故更查於該部則該
府回報果如部將手本而其前後報牒及各人招辭一
在案臣之前疏以此畧陳今者遙臣乃以部官初度誤報
者舉以仰稟若如遙臣之言則臣之前疏自歸欺罔此人臣

極罪臣之萬。惶怖當如何哉。昨緣動駕隔宵戒事迫急。
分義所在。他不暇顧。冒受符。勉赴陣。而若其因。仍
躡冒斷無是理。茲敢瀝血陳籲。伏乞 天地父母曲察。
臣危懇至。適臣將任。仍令收司。重勘臣罪。以為人臣
失職不忠者之戒。千萬幸甚。 答曰。省疏具悉。此不
過飭勵往事。其何擻捥。卿其勿辭。行公。○同日二更。
歡慶殿右副承旨洪 入侍時。 上曰。承旨。此來先讀
章可也。洪 讀執義閔洙疏。 上命批答曰。洙年在
亨之下乎。洪曰。然矣。又命書訓。將金應平監趙國疏。
批 上曰。議處公事。讀之可也。洪 曰。擊鉦樂工科。
治舉。余今朝已為入啓矣。既在三日限內。故注書不

為請罪矣今者該院即廳及樂師已為就囚原情公事皆已入來而樂工舉祭尚未啓下事體終涉未安注書推考何如 上曰依為之 上曰龍夏一向忍杖之斃不久矣洪 曰臣頃已陳達而此乃期於死杖者也 上曰然矣

上曰殺其叔母者此不拘日次者也此則杖斃之外無他道渠豈肯為承服乎諸臣以次退出○二十一日以領議政金魯在

偕來事奉命在東門外○二十二日右副承旨洪 疏曰伏以

臣伏見副司直金應疏奉則以向來坐罷時事分疏太過辭

意頗露有若臣初不能審慎於筵奏又不能致詳於

規告者然臣誠悚息繼以訶惑蓋自震岩浮伐之後

京兆之論題部牒者傳播搢紳臣亦耳剽故乃於前

席論勘之際適承下詢信口以對及夫 遙退始聞該部
回牒與部將手本所報日子有所相左竊慮其現告之
或差詳考報案又經陳稟此則舉案在焉臣何必架疊
也雖然臣非以部官之踏印公牒謂必可信亦非以部將
白文手本謂必不可信而事已過矣罰已勘矣則謂有可
卹者何不付之於今無奈何而必以六月退捧之招欲案至
月始從之證得有不有歟於渾厚之風耶獨臣之所慙恨者
當初 遙白非有他意而重臣乃以欺罔惶怖等說引罪
至此臣之不安尤當如何茲敢畧暴事案仰瀆崇聽伏乞
聖明俯賜鑑諒並還臣職名以為妄言者之戒不勝大願
荅曰省疏且悉此何撕掇者爾其勿辭涎速察職○二十三

日領議政金龜在偕來後入來○二十五日歡慶殿領議政金

在右副承旨洪 入侍時 上曰司馬公曰繁纓小物也而孔子

惜之昨日玉堂以為同知多有乘輅者彼承旨亦見之云此亦

名器甚可諉也承旨所見者誰耶洪 曰趙璧輝云而此則

士夫而承襲封君云異於他同知矣領議政金龜在曰世或有名

士父之類乘輅入肅臣自兒時亦聞之矣 上曰予則令始聞之極

為可諉不可不禁矣洪 曰臣之尊行有蔭官大臣家亦有蔭

官非敢以蔭為輕而我國既以科目取人此等之職即文官之

案蔭官則經正後始許判決事漢城左右尹可矯過濫之弊

而今則蔭官稍有勢力者皆為之矣 上曰近來判決事新

經者誰耶領相金龜曰趙輔而大臣之子曾經收使矣 上曰楊

收亦非小官矣領相金魯曰近來冗蔭或有擬揔管金吾者矣

上曰誰也領相金魯曰不必一一指陳而至於南漢則名家子有文

名即故判書南龍之孫應教南有之父也上曰南有乃南龍

之曾孫耶予則今始知之矣上曰昨年礪原君為上使領相此之

李裕民之兵判而前頭則事勢當不得如此此矣又曰揔府即予

所往之處故心常惜之近來武弁之為揔管者似多過濫矣以承旨

書旨曰繁纓小物而孔子惜之況乘軒乎今聞造臣陳達予則初

聞竊為寒心此後則非曾經京兆尹同敦寧則不敢乘輅之意

立或施行官方之紊亂亦一也此後則蔭官之堂上判決事二品亞

尹非帶礪勲蔭及刑為調用者外必以曾經正然後通擬事其令該

曹奉承傳施行遂退出○八月初三日歡慶殿儒臣入侍時左副承

昔洪曰臣有區々之懷敢違臣當殿下晚政庶欲仰承聖德而殿下每有咨且之教臣案慨然矣上曰雖以乾道言之自有旺衰之理矣儒臣魚錫曰聖人志氣清明無衰旺之可言矣今聖教或補終条理此何言之不思也上曰唐鑑太草略矣舊見如前生事故命持入矣上又曰順宗篇不必進講此篇除之可也上命洪

讀南龍河檄案上曰當初罪人之上來專為影幘推得事也今則

以杖斃自期云然則法不可施矣龍河若死則又將及於龍天矣儒

臣之意如何錫曰既以影幘推得為同則期於得情雖自斃何惜

儒臣金尚曰以臣所見龍天則勿為施刑似是德意矣諸臣退出○

初五日歡慶殿兵曹判書請對行兵曹判書鄭翺左副承旨洪入侍

時鄭翺曰臣使事知兼司僕摘奸于陵行道路而歸有稟軍事

敢達今此陵行御路以石串峴為懿陵主脉改以雨裝峴而御
路石串峴則植木塞路事定奪矣洪曰其時臣為本陵之官
因監營闢文多植樹木以塞踰脉之路矣今聞兼司僕之言將伐
木通道云矣上曰丁巳陵行既以石串峴作路故不知其種樹事
而有所下教矣今番以雨裝峴路為宜可也洪啓曰癸亥年既因
遙中陳達石串峴則以懿陵主脉植木塞路陵行御路當由
雨裝峴事稟定則禮曹所當知委兵曹而不比之為故今此
陵行時兵曹不知其時委折幾乎所不聞路於石峴禮曹之疎忽
甚矣其時當該堂上推考何如上曰依為之而其時政院不令兵曹
並為聽傳教亦不可無責其時當該承旨一體推考可也羽曰
穆陵洞口外當駐兵而民田害穀處多云矣上曰當觀大體若不

設陳繞火巢作一字陣似好禁軍教鍊官同往詳察地形可也

上問石串雨裝雨峴路相距遠近幾何洪曰三四十步而雨裝峴

路廣於石串聞兼司僕之言雨裝峴路則無害穀處云矣陽川縣監

望單上曰注書出給吏曹使之改望以入事分付上曰南陽府使

首望李光何如人羽曰南陽則可辦者矣上曰副望尹志泰則無疑者

矣可謂割雞焉用牛刀矣洪曰其有將來之人矣上曰曾為堂上職

者耶羽曰曾為吉州牧使以有老母呈還矣上曰末望鄭彥儒何如洪

曰吏判每補其善矣上曰然則末擬亦擇矣上又曰鄭彥之族

乎洪曰非矣南人也上曰李彥璋俞基何如洪曰李彥璋臣不相知

俞基則最之弟人物可嘉而稍欠振作矣上曰俞基善人也肖其

兄則亦似善矣上又曰許繁何如人羽曰許米之弟頃年并邑倖還來

浚趙載以善治言於李^周鎮為公州判官矣未赴任至邇其浚又除金川郡守

因不辭臺鍊而往邇矣 上曰陽川恢、耶洪曰以人譽見之可當大處

況陽川乎 上曰許槃則雖非特教如此邑望當例擬之者予意則以為

許槃除大邑之可以修舉處陽川則以地望稍高者特差之則似有案

效矣羽曰下教誠然矣又 啓曰前則軍門中軍禁別將直自堂上陞

擬而今則防塞矣近來並將甚苟艱高桐水使望亦僅、備擬禁軍

別將雖以元撥差下而似聞訓局又欲還差本局中軍交當見失而

本營中軍方作廟大臣不為入侍臣雖不敢直請陞擬而案無可合

之人矣 上曰卿就議大臣以堂上中可令人陞擬可也洪曰然則此浚又

或有乏人陞擬之事亦當必徑 造稟又議大臣浚舉行矣 上曰當初

定式之本意如此之浚如有陞擬之事則自當稟達後同議處之矣

上問亞將誰當陞擬羽曰鄭汝秘汝趙東夏東將來可用之人矣秘和吉

矣羽又曰近來同知事難處矣老職者之一番同知不可不聽而一政所

差或至四五人豈不太濫乎以同知請來見臣者盈堂滿室矣上曰武

士之來見者易逐而士子之來請者必尤苦也同知非但為渠一身而已

有推恩事此誠好事而濫則濫矣羽曰嶺南先賢之地朝家所重

各別調用使之被德澤可矣非曰人之可用至如尚州權相一不為黨論

真可用者矣洪曰其弟亦佳矣羽曰然矣上曰予知之矣權相龍果

可嘉矣以次諸臣退出○十九日穆陵幸行以兵房康旨隨駕日合

後陪扈還宮○二十二日歡慶殿大臣備堂引見領議政金在摠戎使

朴續行副司直且聖刑曹判書申晚吏曹叅判金尚禮曹叅判洪象

漢左副承旨洪入侍時領議政金在曾曰今年畿內凶荒太甚宜

加給災而經費亦為苟簡宗兩難而臨時似當有裁減之舉矣

上曰今姑不可輕動而他日自當如是矣畿內則有求對之路遠道為尤難矣洪曰人臣之道常奏以水旱盜賊如古人所為臣之言此

一仰達今年穡事兩南則稍豐圻內及湖西

沿海也雖為凶歉而所謂海溢被災之淺深有無亦各不同非如水旱通被之災以臣所聞沿海一帶亦不至盡為慘凶矣沿海被災

廟堂雖給災百姓不能遍蒙其惠而朝家所失則多矣上曰承旨之

言誠是矣

魯

曰承旨所達可謂知民國之憂矣領相金

在

魯曰以

孝廟

朝觀之達凶蠲減專為百姓大典法年々給分數災則雖豐而亦為

給災之道矣上曰雖給災不能均視國之所費則多而民之所食則少

且執災比前輒加數雖以為民之心特為蠲減而古人曰恩渥則慢此為

難絀之道矣

在

魯曰昨日守令所達有

稟處之

命而舉余姑未出其

為何事也

上曰需米事

昨日廣尹以為

移於外村則反有害於山

城之民而其言誠然否洪

曰南漢城中訓禦軍不多不足為民禁而

各處保直之類其後極歌民亦不以為苦矣

上曰豐德人民刷還之請

何以處之

尚

曰豐德比通津尤難以其山川之限隔也蓋松都為歇後故人多

投入而田土家舍自在只其身移避而已以此之故前日數百戶之村今不滿

數十戶或有茂草之場甚至於名編軍籍者當其徵布之時恣意越

去豐德府若送人推捉則松都以管理之威捉入重杖故不得為刷還

之計矣

上曰豐德屬於管理營故如此耶

尚

曰豐德非管理營之

管下而名位懸絕故如此矣禮曹叅判洪藻曰此宰臣其時果善為之

而移去之民非撤家賣土而去越境而寄處於所親人夜還家而宿

時時則歸田而耕故禁之為難

上曰今番海溢如山而來此非海

溢如山而來此非海溢乃海溢也

在魯曰聞右相言越鎮島而入來云矣

曰今年海溢非一時災害也乃變異也

上曰東海亦有海溢耶

亦有海溢之時矣

上曰東海則無潮矣

尚曰東海雖無潮而長時推

盪如風駛之狀而頃刻之間柱颺忽起則天地晦冥波濤盪溢咫尺之

間不能分下空舡則漂出於陸地之上而舡則輒致敗沒雖呼救而不

可得矣

洪曰數年來連有溢災此乃

聖上惕慮警省處也

然矣

洪起伏曰臣常抱耿耿微忱故敢達臣年少未及立朝於殿下春

秋鼎盛之時今乃忝叨近侍之列屢承褒憫之教每切憂悶之忱而

至前日二字之

教宗不勝心膽墮墜之至雖以今番諸陵奉審時觀

之殿下不待扶掖步履如飛通審下陵不出點汗臣以年少善步見

補於濟友而尚不及焉聖人志氣固無可衰血氣則雖有時而衰矣然
今聖體康健筋力如此退計十年前未審如何而以今觀之此正聖
上奮勵有為之時而臣亦庶幾竭其魯鈍以裨聖治之萬一伏願聖上更
勿如前下教則臣下當安心而無驚惶焦迫之慮矣上曰何必然乎今番
陵行後始知之汗不出乃氣血衰耗之致氣不喘常時自奉甚薄故也數
十里行步足可為之而其於內傷何即今心內皆灰矣不亦難乎俄以海盜
事有下教而願今國之紀綱無一可恃一朝壇場有事則人心波蕩靡
所心泊矣近以鳳城將之無回答為慮而予之所慮恐不止此矣洪曰自
丙子以後邊陲無事四境安謐古語曰胡無百年之運以天時人事揆
之此甚可慮矣以言乎北則荒淫而不治以言乎南則雖非平苗之子孫
終難放心矣上曰承旨所達是矣洪曰今年穡事雖曰凶歉大同之災

舉世皆歎然浚給以而海溢邑言之沿邊一帶外不無虛宗相矇之弊
給災之道誠難矣上曰古無此摠給災之道而田政專在守令矣每當
凶荒白給賑濟故國用皆弊此宗難繼之道也洪曰穴農則飢民或有
推移相食之道而若全然白給則國家所失多矣上曰白給然浚民知惠
澤而守令亦務為白給予於百姓何惜之有脫有緩急則無措手之路矣
洪曰國家當以惜費為念而即今滲漏之弊耗費之道日漸增加難以
各司言之吏隸之古者二三人處今或至十餘人之多此屬亦皆有料布矣
此雖小事亦可推而知也至尊雖獨憂於上羣下或拘於顏面牽於情
私孰肯勉公割私而為省費之道乎上曰京中一正之徒未知鄉中鄰
族幾人之微細思之殘忍矣不曰勞於求賢逸於任賢乎凡政令施措之間
在下者若奉承朝令務盡職事則紀綱自立而國事可做矣今

番上言申飭故其數至於二百張二百張上言今始見之矣洪曰聖誠然矣自上若無申飭之事則臣恐解體而事不可為矣顧今

國事可慮者甚多紀綱墜下財力匱竭人心愁怨而率皆玩歲愒日架漏牽補百未聞一弊一令之有可以振刷者臣未知如是而可以為國乎上曰承旨所建誠是矣而其中添入黨習日滋世道自在其中

矣上曰諺書云未有學養子而後嫁者也故左相宋_寅明歿後無擔當國

事者矣洪曰必擔當然後國事可做矣諸臣退出○九月初四日

歡慶殿大臣備局堂上引見左議政趙_顯命行兵曹判書鄭_羽咸寧君

朴_續新行司直金_聖應_聖其_任刑曹判書申_晚吏曹參判金_尚尚_工曹參判尹

汲入侍時左副承旨洪曰親臨庭試時試官擬望之人乏少而侍從以

上受由下直者無日無之請申飭何如上曰堂上堂下受由下直單子庭

試前分為捧入可也洪曰在外諸臣亦催促上來何如上曰依為之諸臣

以次退出○十二日歡慶殿左副承旨洪校理徐修志入侍時上命洪書

柳茂判付下教曰柳茂東殊常矣錢八百兩猶為一律則況銀八百兩乎若違

晚則常用一律必以杖斃為期矣近因大臣陳達廉吏既蒙褒賞則貪墨者

尤覺愧怍矣修志曰嚴懲貪吏宗為礪世之大政而臣見御史劾單一無可死之罪

而至於刑訊則過矣前後諸臣雖有所違猶恐挨逼於御史不敢盡言矣雖以

鄭濟弘言之南陽事罪應至死而得免今以慶州事受刑終涉過矣上曰犯職不

眼則不為刑推而何修志曰御史曾不為守令驟聞之故然矣上曰儒臣此言忠厚矣

若柳茂東者何也修志曰茂東所被捉雖云踏印文書以前官事嚴問下吏而捧俸音踏

御史印而封進者謂之印跡文書可乎金德厚不過么麼一武弁以月廩餘米之賣用

豈可謂犯贓乎古有未經守令而為御史者見邑倅之賣月廩大以為該而論罪

矣其後渠為守令將營其祖先祭需欲賣月廩而既以此罪他人之故渠不敢
犯之姑追悔而歎曰御史當送曾經守令之人云矣洪曰近來貪風盛行有此懲
殛之政故臣宗欽仰雖不無所懷而未敢以此事仰達矣德厚事雖驥倖無儲置大
同犯手之事賣其月餘米買牛而來事甚巧矣而此非不法之事且頃者御史來
到本院言書啓中或不無過處聖上若混同嚴治心甚不安云矣志修曰買牛亦豈云
巧雖以官馬馱來月餘米是豈謂賍乎柳東茂即圃帥也銀子一百兩之用亦不足
怪也而以此刑訊則亦不無後弊矣上曰儒臣此言亦忠厚月餘米此豈大段罪犯
乎金尚星金尚魯嘗譽其善治而今如此怪矣洪曰金尚魯果嘗言德之善治矣柳東茂則
為圃帥若過數年雖用千金不足為怪而不過三月之內所用至於八百兩之多臣
初聞頗以為疑及見查狀則乃六百餘兩也見其供辭有曰媚嫉之人構陷如此願一
面質云似有委折若因此刑訊則渠雖武弁殊非刑不上大夫之意也志修曰貪墨

能

之人國人皆曰可殺然後宜可刑評今則不然豈能服人乎弘濟事以御史別單見之賑民而無一流亡者云然則其善賑可知其所犯用不過料利中刺物非公家

錢穀則此不過吏所為以此受刑誠寃矣上曰儒臣此言無隱之義也貪吏烹

而有餘罪者多矣而此遽發覺故然矣諺所謂不聞如金鑑安知不有過於此者

乎予之刑評此輩宗懲戢之意也修曰臣以為貪吏反不懲戢矣上曰何謂也修

曰殿下於此等人處分過重則後之為御史者必不如此事上聞矣臣以傳

聞事仰達雖甚未安而頃聞關西御史任璠聞此報書啓中多有拔去者

云如此則貪吏豈可懲畏乎上曰關西御史無所捉文書予甚恠之矣韓筆光新

出身故有該於渠之所見而然矣修曰誠如聖教矣以鯨油事言之臣嘗聞臣之

七寸叔命澗素稱以清白而為海邑倅時賣鯨油營其嫁女之需雖以廉見稱

如澗命者猶如此况彼武倅之賣用鯨油何足恠也上曰儒臣直矣然初見者

必厭污是言無恠矣修曰臣嘗有耿于中者敢此仰達臣曾以問郎累次入侍評

問之際或不無旁引他罪以為取服之資今以柳東判付觀之以不為直招歸之

於欺君欺君者是人臣之大罪李罪之外又添如許大罪此誠如何矣上曰

儒臣上欺之言忠厚而下段之言非矣洪曰儒臣辭不達意也東把職之時既

已欺君則到今將死之際豈責其欺君子上曰翟黑子猶不欺君矣洪曰翟

黑子豈易得哉修曰東東革何可以高允責之乎洪曰今日貪吏嚴治實為

懲戒之道而若只此而止則臣恐無其效也此浚御史雖不能盡送各道而抽姓

出遣勿以捉得貪吏為心使之廉察則其效也大矣上曰然矣諸臣以次退出○

十四日承旨入侍時傳曰人君勸懲廉貪為先其意何勸一廉吏眾民賴便

懲一貪吏眾民解怨噫置百里之任吾民便苦其在一令一人廉眾民熙

一人貪眾民噉其可不勸其可不懲昔之齊國之大治亦不過封一即墨烹一

阿其時齊王之左右見阿之意以此懲創浚雖有田野之不闢不以實告于王齊宣
曰有治其反謂無王噫曰野雖不闢齊猶烹阿剝割吾民吾民嗷々其不嚴懲
是矣異於推諸民而納諸溝中近者因職法之不嚴為貪吏者以效翟黑子欺君為
事而為道臣者牽掣私意一番更查都為白脫而然若此將焉有御史廉問將
何為嚴懲貪吏以此之故御史廉問其歸無宗之科貪吏猾令只自揚々可不
寒心噫暮年氣衰其難勉強而欲為少勵者深恥古帝王之晚急亦慨今世
道之日下此非為我也寔為國也寔為元良也然二三貪吏嚴問之下其雖遲晚
猶不直招律不准絕若此而其何懲貪而雖然其中可見予之不已甚處也為今
之臣者效唐臣十漸之戒々其君或忽此心而惜乎頃日儒臣所達也先謂以過中其
復曰若此浚之為御史者因其處分之嚴重將無聞貪之舉云噫上款所陳意雖
無隱一何其言之誤也亦何謂世無臣噫他日為御史者雖有貪吏懲今二三貪吏

之因欺君略干計問隱而不同其誰欺乎可謂誣一世而其中頃日關西御史
任璞聞此於貪吏亦為減損云果若此任璞不體靜攝中卧席半夜召諭之
意顧瞻以嘿是負我也宜乎清飭而以此立的以秦意雖樸直亦何謬哉此則懲
貪吏嚴紀綱之道宜乎有飭而其猶細者其中尤該者柳諫昭更查之後
忍杖不服是欺君乎欺金吾堂上乎判付中欺君之目為可無也而敢曰昔年為
問郎時殿下先以此等之語引囚人使不敢違供今又以欺君問於諫云判付即
問目也渠既欺君為可不問噫予非仁也欠於強故戊申治逆注諫所無而猶不
忍刻問諸臣尚謂余太寬若此之故囚人或承款猶恐不勝杖而亂招詳細更
問於結案之招亦恐囚人之不知結案而矇然就法令問郎言于囚人渠詳知
然後下府正法噫臨視桁楊豈欲為也而必也親臨恐或玉石之混淆其若儒
臣之言此正孔子所謂導之以刑者也此非特解我懲貪之典反我治逆之心中

意

夜思之心自慨惋更欲整衣命召承宣更鼓已深故忍嘿而今聞儒臣為問
即時即尹^光親問時云噫^光指大訓以為不^光淑愿其言斷案更何指導
聞渠之撫父肥就刑之言即停刑訐而酌處此果嚴乎太寬乎今以^光事比之
貧吏而為言者亦涉該也其在嚴治逆懲貧吏之道當為重處而奏雖該心無
他可知亦宜參酌徐修^志罷職刑不上大夫可謂於例事豈可謂為貧吏齊王所
烹之阿亦非大夫乎史不言名只稱大夫噫雖卿宰而外補其若犯貧王章恢
之猶當準法況他乎其下此後不可解懲貧之政云者可謂補過於前不達而其
在勵政之道當先近密之臣承旨洪 適差不聞則已既聞之為御史聞一貧
吏之被刑懲創而不為直陳將焉用彼御史哉或不無聽聞之過其在重御史嚴
御史任^璞拿同處之○十六日拜工曹參議○
十七日上辭疏曰伏以臣 遙奏不審致勤 嚴教適職薄罰不足懲罪章皇送

出縮伏悚凜歷累日而靡定水部新命忽下意外負罪賤臣何以得
此愴怛感激益不知所以自措也噫職擢嚴處蓋出於懲勸之盛意臣於
此際職忝近密親承痛惡之教每切欽仰之忱其何敢為此輩營護而伊日
造帝遠因言端率口仰達引喻失當詠語歸趣有若引此五字經義要為
分疏救解者然此不過威顏咫尺辭不達意之致而若論其奏語妄率之罪
誅罰猶輕謹違未幾恩除復叨雖荷聖度之寬容益覺私心之兢感所帶
之職係是閑司而以臣情勢不容虛糜茲陳短章仰瀆宸嚴伏乞聖明俯加
諒察亟違臣職名仍治臣妄言之罪以警具僚以安微分不勝萬幸云云入
啓 荅曰省疏具悉辭不達意業已知矣特違勉飭意在懲他爾其勿辭延
速察職○同日承旨入侍時上命讀諸臣疏禁府刑曹判付至李顯供辭
上笑曰李顯既是昏戾人則何能耽妓樂耶至李鏈事上曰李鏈為人頗可

矣鹿悖之目容或用之於武夫而至於傷伶二字可謂深重矣夏扇冬簪之際

親戚間或有向隅者之毀姜

鳳休

必聞其言而發此啓也至柳

東

病重傳刑事章

記

上曰今者有病在渠幸矣

東

事極殊常矣八百錢亦難免於職律況銀

八百乎以準律受刑寧不如死矣承旨

曰臣意則貪吏不可不嚴懲向對徐

志謂以朝家既送繡衣廉問以來則當覈其虛案若有犯職之事則在法

固宜嚴治今若毋論其所犯之虛案一並置之則便同因噎而廢食云矣然

徐志之言非出於救解貪吏或慮有刑律之過中而特辭未達意之致也

上曰徐志之言本出於忠厚矣予豈有深意其言辭之坦率乃是家風予反

以為可貴也承旨曰故相之言坦然真率故儕友之間常以無邊隅笑之殿

下亦必為想得而志之言語舉止恰似乃父典刑今者乃是渠家風之教志若聞之

則必感泣矣上曰果多乃父之典刑故頃日亦有以愴然下教於渠者而真率云

者誠然矣承旨曰臣又以修志所達引問罪因之言有酬酢矣凡於問因判付之際

聖意全務以開導罪因欲其傳生故下教之際委曲盡則或過矣而引而為

問之云語意誠未暢矣云則修曰此則果如所言吾之所達亦此意而辭不達意

乃至於此宗為惶恐云矣上曰其本意亦必然矣因其所達不過為一時勸勵而

已予心則釋然非有深罪之意也且見其為人頗知事務亦似留意於凡事予

以為貴矣承旨曰其人之真率坦白即其本稟而且於事務亦頗經心而惟

以有懷無隱為心矣上曰予若不先勸洪徐修等人則非勵他之道

也洪則本非無邊隅之人適與徐修志同入而然矣承旨曰洪之意亦非

出於救解也因徐修志之言有所仰達而古有刑不上大夫之文故偶爾仰達矣

上曰兩人處地與他有別予將任用故先有所飭勵矣且國法不先用於此等

人而只用於鄉曲無勢人則法豈立乎予亦知出於無隱辭不達意之致而先

勅此人以勵他矣○十八日謝恩工曹叅議○十九日景福宮勤政殿親臨
庭試時以對讀官受黜考試出榜後陪卷詣闕仍為罷退○二十六日拜吏
曹叅議○同日吏曹啓曰都目大政隔宵堂上不可不備貪新除授本曹
叅議洪令政院稟旨牌招察任何如傳曰允○二十七日吏曹叅議洪

牌不進罷職傳旨傳曰只推即為牌招上辭疏曰伏以臣千萬意想之外忽伏
承三銓親命驚汗浹背莫知所以自措也噫國家用人之道必須隨才而責其效
而免其刺矣天曹佐貳是何等地望是何等職責而乃以如臣才疎歷淺者苟
然濫授無少留難臣心兢惕已不可言而其玷名器而駭聽聞為如何哉念臣通
籍未幾驟躡至此外而州符藩臬內而銀臺諸曹何莫非踰涯過分而特以
責任重之稍異於權要報荅之面唯在於奔走故有命輒膺不敢為控免之
計顧今所叨以其望則清塗峻選而非可擬議於臣身以其職則權衡人物而

易致債誤於國事臣何可徒恃寵靈冒沒承當上以負明主慎簡之意下以
貽微臣顛沛之患耶近來居銓職者必以世道之難平物情之難齊為逡巡辭
避之端而若臣自畫之義有未暇論於此區之迷執不待臣之早辭而想蒙
聖明之俯燭矣百爾思量變動無路違召未勘天牌再辱狼狽失面一倍同
阨茲敢隨詣闕外悲慕微懇伏乞聖慈察臣難冒之情並賜通改治臣
違傲之罪以昭法紀不勝萬幸臣無任戰恐懇祝之至入啓 荅曰省疏具
悉今者此任意蓋在矣爾其勿辭從速察職吏曹叅議洪 再牌不進
傳曰承旨入侍入侍時 傳曰承批之後又復違牌其在分義道理俱涉寒心吏
曹叅議洪 從重推考待明朝牌招叅政○二十八日又上辭疏曰伏以臣於銓職
萬不近似難使之端臣有宿講必辭之義人無異議而聖明至仁尚靳勸罷
批旨溫諄特教嚴截有非微末賤臣所可承聞者惶同窮隘益不知置身之

所也意臣即疎近畏約之新進耳望宗未著資歷甚淺今若不量拙分徒恃寵靈幸然處睚眦之地而操通塞之權則其顛頓狼狽必無幸矣然則上之所以榮寵臣身者適足為招災之階而下之所以奉承君命者將不免債事之科此臣所以不敢以趨走為恭而固守迷見抵死祈免者也特之下謹此隨詣闕外瀝血哀籲於天地父母之前伏乞聖慈察臣誠懇之非出例讓念臣虛卸之不久縻卽卽賜遘改俾安私分仍命有司重勘臣罪犯以為人臣慢命者之戒不勝萬幸云云呈政院還出給吏曹參議洪 牌不進罷傳旨 傳曰只推更為牌招吏曹參議洪 再牌不進○三十日依承傳罷職○十月 日叙用○十八日拜左副承旨仍卽謝恩○同日知事元景左副承旨洪 儒臣 持冊子歡慶殿入侍時 上曰守城事予於述編有所云矣先固藩籬然後有可為而卿於守城事所見異矣知

事元景曰臣之所見果有異矣凡事將決未決之際雖陳所見而既決之後雖有所見事體不敢為言矣上曰與草木同腐者布衣寒士之謂也予則不免乎漢唐凡君之歸豈不慨然乎洪曰殿下自知慷慨人君之盛德今之勉戒者抑戒之意而上天尚且驚動殿下憂朝廷而慮生民疆之憂亦非細慮也上曰雲臺之報外時候亦異矣詩有嗟我婦子曰為改歲入此室處之義而今則正似桃李華之時矣朝廷之憂既如此國中之憂又如此而疆域之憂雖有之予有驅除之意矣守城之外無他要道而莫如擇守令也洪曰今有守城之論而臣意則以為賊未然後可論守城善其防禦賊自不來則可無城而此踰沙峴南渡漢江則何以守之今之鄉民役徭頗劇之故查正廳定之已久而里侵族徵尚無變通且以馬兵保人言之當給二人而雖一人宜定於當邑矣守

都城者是守中門之計也賊入大門則中門何以守之上曰中門可
守大門亦可守也豈可謂賊入大門而不守中門乎洪曰今之急

務莫如鄣用也上曰方以鄣用之意申飭軍門而外方所用亦多於

前乎金魯曰嘗以僧頭扇禁折之意陳達矣上曰其時卿有所達

矣繇曰臣所達與魯有異僧頭扇自古有之禁奢侈豈在僧頭扇

之禁乎上曰昔之簡紙其制小而精妙矣今則比前長大此亦鄣用

之意耶諸臣以次退出○二十四日歡慶殿大臣備堂引見左議政

趙顯行戶曹判書金魯行副司直金應靈城君朴教行副司直

具聖禮曹判書李鎮刑曹判書申晚行副司直徐堉右尹金星京

畿監司李埰左副承旨洪同為入侍時上謂洪曰啓覆文

書列書罪人名各人名下書其罪名後日入侍時入之意言于

刑判諸臣以次退出○二十五日親傳香入侍于明政殿○同日歡慶殿

以翼陵奉審承旨持奉審書啓與禮判李鎮同為入侍時上曰

讀之洪讀訖仰陳曰床卓褥席皆精潔曲牆茨草亦無它頃而東

邊新築牆面少有罅痕土色似少黃矣上曰不大毀傷耶鎮曰甲子年小

臣監築之時因下教冒大雨完後矣今聞引新舊築相合之縫似有痕

矣洪曰痕處不大仍後日改之似好矣上曰舊築專用白土新築雜

用黃土故其色然矣洪曰用三物則似為堅矣上曰祭物先已熟設耶

洪曰多已熟矣上曰書知道洪曰故都事金鎮之妻即北城

府院君之子婦也落在湖西年老寡居生理無聊臣於今日奉審之

路回思則聖母之同生宜忍使至於此耶不勝感愴之懷敢此仰達矣

上曰年幾何洪曰似踰七十矣鎮曰承旨所達好矣以德意軫念可也

上命洪書之曰興愴之中今聞故都事金瑞妻尚在湖西云分付道臣

食物題給周起曰題給之事有循例亦有從優之道矣上曰然因教曰

衣資食物從優題給噫金鎮即國舅之子聖后之同氣其妻沉滯鄉

曲聲聞莫知豈徒欠典非追昔年之意噫一時顧助其何以濟其窮令

該曹若有其子孫特為調用周鎮曰臣每過光城舊宅未嘗不徘徊感歎

想像其遺跡而不忍去也上曰聞卿此言自不覺其愴然也朝廷之語

予不忍誦而其所追悼興想則深矣洪曰此顯廟批語也上曰庚

申年佩三軍門將符則先朝之倚仗豈不重耶洪曰謹慎畏約無

愧古人矣上曰向者金福事予實不學不知二字之出於禮記帳殿

閤堦之流涕尚不忘矣金鎮亦賢云矣金鎮則有臣固執之聖教矣

予則同直揔府時未見其有固執蓋隨事之是非固守不變諺所謂有

用之固執也金陽澤則其晚得之子也周鎮曰謫居德山時娶而生陽澤故小名則果

也上曰若使故判書在者必無辛生事矣洪曰金陽澤亦有固執矣上

曰科儒皆願故判書之為試官其公心主誠拔得人才此可見矣上曰金

斗謝恩而不為行公耶若以金樸而擿捱則過矣命洪書之曰國舅奉祀

人調用已為下教而其零贄宜若光城國舅乎奉其祀金斗秋一謝其命

又為不仕此非特為調用之意其令該曹隨窠更為調用上曰樸非光城

之子孫耶洪曰故判書金萬之孫也上曰婢言嶺外甲先達之詩乃睦

任天之作也予問於洪景輔而知之矣厥漢以此為渠作則由此觀之偽詩乃厥漢

之作備也道臣之置於放秩關係甚重故置之者此也又命洪書之曰躬傳

其香庭惟昔日一倍此心遙望西郊竟夕耿々頃者金樸道臣置于窠中

事體徑先故雖為問備置仍之命其時下教曰此乃特放者而豈自下窠

請云者意亦在也噫其偽詩非渠所為故其時既已叅酌又有減奪之命既往

大赦今又興愴頃者命仍今者特放其各意在特為放送事分付 上曰金家

多在湖中耶洪 曰散在各處矣 上曰金福之子在擇揀中予見

其狀真寒乞兒也洪 曰古人云交必擇相好者蓋相好然後乃可達

也 上曰閔鎮_{鎮五}之同氣耶鎮_周曰乃驪陽府院君之庶子也 上曰予乃

今覺之聖后有廢母云矣洪 曰奉朝賀家今亦零替矣雖有一百_祥

而奉祀孫則流落驪州近來不為叔拾豈不慨然乎閔家不為奔

競故無蔭仕之矣 上曰八月有所下教矣_百依然如其父矣洪 曰

然矣 上曰_遇判書之子耶狀貌何如年幾何_周鎮曰甲戌生臣自其童

子時見之矣 上曰_翼與故判書貌不相似矣_周鎮曰然矣臣前年以京畿

監司過驪陽之墓而展拜則碑石乃 先朝 御筆故臣因為奉覽之

矣上曰驪陽奉祀誰耶洪

曰閔奮也

綱曰臣惶恐有所達矣令

該曹錄用兩

國舅家子孫使之為無故家人未知何如

上曰所達

何以言之意也

綱曰

臣獨入

選中不敢盡言矣

上曰然矣此卿之公

心也予則厚於達城薄於光城也

謂洪曰必知此語矣今之諸臣非

光城家則必不然矣此非常無是心而今日始然也八月十四日御製

亦示此意而未知何以則慰

聖后之心也

閔昌事予有所失而至使通

用心而死思之未嘗不為之憐惻也以次退出○同日二更宣政殿左副

承旨鄭

良

右副承旨洪

禮曹判書李

綱曰

鎮兵曹叅議李

綱曰

輔入侍時

上曰初意則欲御熙政堂踰峴時見火色甚大御此宣政殿矣來時先

詣東朝親承

慈聖勿為驚動之教矣人心每於蒼黃之際恒擾易

矣故今此殿坐出於鎮宣之道耳每以謹慎之道申飭而尋常聽之

當有懲一殲百之事也。傳曰：不為謹慎，以致于此。當該內人令攸司為先，刑推一次，後從重勘。肅洪曰：冬雷之後，又有此災，是仁愛之天警動我。

殿下欲其益加脩省也。伏願殿下念哉。上想中宮殿。

承傳色下問曰：火不延及於層閣耶？寶文閣無事乎？對曰：無事。

矣。上命宣傳官入之，注書黃。異出招李張。上曰：張聽中官言。

所當毀處毀之。上曰：宣傳官入侍聽命時，武魚皆為入侍。洪

曰：無水故抹之，道差緩矣。上曰：予忘之矣。汲灑政堂池水以

用之。上曰：李濟當入於救火之中，招之濟進伏。上曰：汝登彼屋

上觀之。這傳言火消息。濟躍上呼曰：無延及之患矣。周曰：夜氣

甚寒，中閣門閉之何如？上命中官閉之。上曰：當此紛擾之時，有人神

難樛之弊，各別申飭。上曰：景秋門馬軍營斧子、金虎門北營廣庫

入送事從門隙言之 上曰兵判軍門大將來耶御將此時宜入來耶

上曰以排設大索毀仆之用力之際恐或傷人武兼往諭之武兼許拜

曰日曉則恐風發以長竹繫布榜漬水以擊之則可以滅之 上曰依

為之洪 曰以網席漬水覆之可以滅之 上曰欲得於民間則恐有擾

矣洪 曰豈有慳惜之理也 鎮曰久 御冷處下情悶迫矣 上

曰稍疎之鎮曰火息後當為問安 上曰退去閣外兵房留在昇進曰

臣不能詳知其形止而大略計之則宣化行閣及中宮殿行閣毀處

近五十間而今則又無可憂者矣少退問安更為入侍 上曰鄭伯來

出整軍隊知其傷於瓦石傷於火者有無幾何以達之 上曰入侍

承傳色宜乎待令而不知所在其涉寒心令該曹處之可也洪曰

軍卒既多用力自上宜有軫念之道矣 上曰兵曹郎廳入侍金朝潤

進伏上曰差脩門內有大門汝當嚴飭無令雜亂也上曰大臣將任來待
關外者退去事分付上曰扈衛廳守其信地而不來耶速為知得以

稟鄭

伯來

出去招來扈衛將上曰此人耶洪曰此韓滢也上曰履歷

為之仰陳

上曰扈衛軍何為獨不來待滢曰臣先令軍人汲水臣則方坐

待標信矣洪

曰此事得體矣上曰然矣諸臣以次退出○十一月二十五

日興政堂左副承旨洪東萊府使閔

祥百

入侍時上曰鄴目入來耶

洪曰不為持入矣

上曰注書出去持入尹

養得

起出還入謂承旨曰大臣

有考見事持去云矣

上謂祥曰萊伯拿來傳旨見而入來耶祥曰不

知而小臣年少新進之人才識蔑如居常愧悞梓當大任何以報答私

心兢惶有不容仰達矣

上曰鄴目謄在政院耶洪曰既退送故不

為謄置矣

上曰彼中消息最有殊常者矣判尹所謂嘗試之言

是矣

百祥曰

不獨此事潘將密奏事亦可為慮矣

上曰分野同往者貫

月事予以為異矣皇太后事恠矣皇帝方封禪云此非本色

矣

百祥曰

臣奉命時見之乾隆之繁文甚多且其土木之後亦

多云矣

上曰五子之敬所荒幾盡為之矣以潘將之奏觀之封

禪外多有筭土之後百姓離散云亦可見民情處矣

百祥曰

乾隆

不若雍正矣

上曰雍正善君而紀綱亦有可觀者矣

上曰承旨

謄錄讀之洪

讀

上曰有姓諱矣其時儲君無故然矣注

書出去鄧目如已來到持入如未及來待來持入

澤

起出持鄧目

還入洪

呼承傳色進鄧目

上謂

百祥曰

太大君儲君前姓名下

著朱印此是不敬處也禮曹之書以姓諱彼必無不知之理而有此該語必有嘗試之意也彼既誤著則為譯官者必不受而授

而受之故拿鞠之命蓋以此也此節目讀之洪 讀 上曰以此觀

之可見彼國紀綱之墜矣其所謂渠則稱御諱此則書姓名云者必

是嘗試矣鷹連今以五連為之而向者玄翼以十連定式而來矣太

大君儲君至於折半之語其時承旨聽之耶洪 曰其時亦折半云矣

上曰狀聞中折半云者初則十連為言而今則五連故今日大

臣諸臣皆言其折半云矣謄錄見之此則二十連矣彼以二十

連折半而以十連折半則太太君儲君許當以五連矣洪

曰然矣 上曰然則已亥年十連辛卯年亦十連非狀聞之昏也

者今乃覺矣此節目一度謄置政院明

日進信使及諸臣入 侍時講定可也其所姓諱必是彼之不察而書

也洪 曰驕倭所為必無不知之理矣 上曰付貼處讀之洪 曰

此則執政五負卿尹一人矣 上曰此無可爭處耶洪 曰然矣

上曰其時鄧自頗淳古而此則極巧詐矣舊太守尊前者過甚矣

洪 曰關伯之子則猶可也而此則不可矣 上曰此則前所末有之

事別為可爭處也 上曰某府幾日程耶洪 曰十日程矣 上曰僂

道則五日內當入去矣祥曰臣甚生疎矣待歸咎島主後可爭矣

上曰雖咎歸島主約束外無可爭之事若因此而得力則可幸矣祥

曰臣世受罔極之恩而至於臣身猥蒙剪拂之寵頂踵毛髮莫

非造化臣當以死蓄報矣 上曰向者洪重以此等事狠狠矣約条

嚴守之可也洪 曰某伯若律已則可善處矣 上謂承旨曰守

令宣諭讀之洪 讀 上謂祥曰汝侍從故不問七事矣仍為下

直祥持弓矢退出諸臣以次退出○十二月初七日資政殿親傳香

行都承旨鄭彥左承旨韓師右承旨金尚左副承旨洪右副

承旨李韶同副承旨權相入侍時上曰新府使與都事先後

入去耶洪曰通信使行駟騎盡去而府使私持馬下去故有差池

之弊而都事則待其交龜而拿來故追沒入來云矣上曰然則置

之遂罷出○初十日興政堂大臣備局堂上引見領議政金龜

左議政趙顯戶曹判書金若吏曹判書徐宗假吏曹叅判金尚魯摠

入侍時上笑曰倭人極奸巧矣承旨

謂也魯曰此則疑是倭人所書也上曰其手標上之上覽之笑

曰滿篇巧詐也書頭覺字無乃覺悟覺乎洪曰疑如我國

之白等也顯曰似是承款之意也上命承旨讀義州府狀啓

上曰其言則陰慘矣若將有為之意也離曰渠所謂預通者當初之言也 上曰瀋陽將入去之說極為殊常矣離曰然矣 上曰狀辭

詳備矣

離曰臣伏見金

重在任時狀聞似是畏怯而覺悟然三使臣

為言者亦不可知也使臣前元無別幅段祇則當初所言亦已非矣

更以此問之宜矣

上曰如卿之意則可問於玄

秦翼

矣離曰府使首譯嘗

書三使臣字當問之矣

上曰若謂此事更無可疑而府使任譯一並放

送則於彼輩示其柔軟而今若更問則不過以無識答之何快之有尚

曰初若以審試辱國疑之則府使譯官必集示矣

洪曰臣有區區

所懷敢達矣當初詳聞備局堂上之言而臣意則以為自 上若以

辱國疑之則使臣之差退一旬無妨故其後入侍以此仰達則

聖上以既定之行有難進退為教矣以今見之則三使臣為言者

亦非虛言矣。若非虛言，則亦不可歸於不教。別幅段祇積子，則問之宜矣。臣詳見之，則新府使與任譯亦不悟別幅段祇之說有所違錯。以此推之，則三使臣字似亦是矣。魯曰：使臣規例，新府使何以及知乎？上曰：新府使則宜乎不知矣。顯曰：別幅段祇積子之說，問而取服，宜矣。上笑曰：何以取服？彼倭集示乎。顯曰：我國羞以謂嘗試辱國，則府使譯官必之斬外，無他矣。上曰：當初處分在於何日耶？洪曰：去年二十五日也。上曰：渠或知之乎？魯曰：似是始得覺之矣。上曰：三使臣字何以添入而亦未知得於何處矣。魯曰：三字既非鄙目中所載，則添入書之者亦異矣。上曰：罪人供辭，今日納之乎？洪曰：禁府堂上草記姑未下批矣。上命中官持來。上曰：三使臣字者，渠始覺悟而然乎？魯曰：似是渠自覺悟而

然乎在曰似是渠自覺悟而恐怯矣上命承旨讀禁府草記

仍命書啓答遂退出○同日二更興政殿曹史判書徐宗級右副

承旨洪入侍時上曰聞西狀聞承旨達之洪達之上曰被

賣女人當速上脩局問之矣徐宗級曰此案邊境重事雖在彼處

問之而脩局亦當問之矣上曰此女則不過被人招引者也不必用

重律也宗級曰原其情則可矜而非可惡也上曰此外十六人亦必

如是勒賣殘忍矣洪曰北道則以此難保云矣宗級曰非但北道西

路亦然而其處人口甚貴價直太重故招引潛賣云矣上命承旨

傳教曰今予之意不在於此彼賣犯越深為惻傷全在於此一體嚴

飭中外上曰此則似是過慮而其中或無兩班牙兩班之子如是賣

賣歐打使喚則尤為慘矣渠若以為我非如此之人而彼入賣來云

云則必發怒重杖矣 上曰闡入之人兵曹何以知之而供辭是非亦非兵曹所知也蓋擊鉦之規古有其法而設登聞鼓而名之曰登聞鼓者許其登聞而通下情之意也古有設誹謗之木此則堯時事乎洪 曰然矣 上曰堯之所以為聖人者此也以堯之聖夫孰有誹謗者設其木欲聞其過豈非威德事乎上之人不得設木者已有所不足之致而且末世人心則難欲設木亦難矣將或有掛書之事矣書曰無若丹朱教此斷之苦心而今有此言則亦必歸之於誣君矣洪 曰上古則人、得以諫之中古以浚則定諫官而諫之今則諫官亦不得諫之矣 上曰今之諫官非諫官乃訐官也洪 曰今則時世如此而殿

下每有抑制之事故至蔑官師相規之風可同矣 上曰官師相規古不暇論而至於相辱之境此則陋矣非士夫之風也 上曰昔有一登

聞者則闕內擾々招結未色書吏之聲徹於大內此則紀經所在而以闌入之人視若帷褻亦嚴其事體之意也今此撥着女人擊鈔之日寂寥無聲甚可異也仍命承旨讀趙洽奴擊鈔原書判付夜已四更仍為退出○十一月初度呈辭入啓給由○十二日再度呈辭入啓加給由○十三日三度呈辭入啓通差○

三十八
卷之七
司前

侍時問候訖左相趙

顯

曰小臣惶恐而以

銓官薦望事仰達矣領相金

在

引入使小臣為之而臣何敢為之乎往

復於領相則叅議三人以前望書送故臣信之不疑入啓矣迨後送言曰

洪

以曾經見漏若未及下點則以改望為請云臣敢達矣

占予

於副擬已下點矣格例有違乎殊常矣叅議既有改望之請叅議必不行公矣注書出去望筒持入之上曰既受點矣更書傳旨許通乎因

命書傳旨左相曰事似如何矣既有叅判渠若聞此言應當自處今姑置之好矣上曰然則叅判叅議一體辟括可也左相曰臣於洪之前任忠監召還時以為肺腑之臣可託心膂肘腋矣自有可用處何必任吏議乎上曰可用何路耶左相曰難以形容仰達謂之心膂肘腋之托則可諭之矣上曰將來欲用心膂而今不用之乎左相曰何必將來乎上曰卿兄亦為吏議耶左相曰叅議則暫經矣上曰其人是古吏判故為之今吏判難矣吏判有闕則誠苦蓋擇人難矣○初十日拜成均館大司成○十四日政院啓曰大司成洪除拜過三日不為出肅依法例推考警責仍即牌招察任何如傳曰允○同日上辭疏曰伏以不肖如臣偏被洪造前後殘歷罔非踰涯感戴之極惶隕梁切每奉除書然費商量凡於筋力之可堪者則不敢恤冒進之為

嫌而輒皆承膺若其責任之不稱者則不暇顧違傲之似慢而終
必控免蓋以不如是則酬盛渥而安拙分者無以兩行而不悖故也
迺者國子新命又及於夢寐之外驚悚震惕莫省攸措顧此所叨地
望清峻已非臣分之所宜有而況其職責則虞廷所以教胄也周官
所以造士也為任之重顧何如也若臣者學識空疎文藝短拙尋常
句讀尚且矇然等閒詞翰亦甚蔑如其本末長短宜莫逃於淵
鑑之下而今乃畀之以成均之卿責之以作興之任此無異鷄鶩之鍾
鼓焦僇之千臼也噫才力之所不逮不可企而及之廉義之所難冒不可強
而居之其何可不量人罪冒據臯比上以貽累於聖簡之下以取笑於
多士也哉且臣重患關格之疾淹日濱死近入回甦之境而尚委床褥束
帶供職尤無可論天降之下不敢坐違昇到闕外悉暴情懇伏

乞聖慈天地父母俯賜諒察亟許鑄通以重名器以便調治不勝萬

幸云々 答曰省疏具悉爾勿過辭從速察職○十八日謝恩○三

月十八日景賢堂都承旨李咸左承旨吳儒右承旨金福記事官

朴源呂榮張澍大司成洪 掌議李商色掌李碩李植童蒙

教官崔興尹啓李重度同為入侍時 上曰今番神機上排板用餘板

木善為引鉅藏置可也洪 曰從兄漢在本職時以懸房牛墨稅事

陳達有令 廟堂覆奏許施之教而 廟堂尚不覆奏矣近來典牒

案有難支之勢不可無軀念之道從速回 啓施行之意分付備局何如

上曰依為之吳儒曰傳 香時所用大耳 香匣盡為破傷改備何如

上曰然則依所達改備可也儒曰社稷 太學祭所用斗香匣舊

件亦皆毀傷不堪用一體改備何如 上曰依為之洪 曰丙寅閏朔

養士糧米戶曹自初不給至今相持不但事勢同起事軀亦甚未安

即令戶曹依例劃給何如 上曰依為之金相福曰士子勸獎之責專在

於師儒之長且陞補為年少士子興起之方而國子長尚不舉行斯速

舉行之意申飭何如 上曰承旨所達是矣陞補何不為之乎洪曰

非但朝家多事有所未遑且臣於本職自知不稱必欲遛免故未果為

為之矣 上曰既已行公之後則當效一日之責何不為之耶中城曰國子

長必欲遛免連呈辭單不為舉行課製者事甚未安推考申飭使

即舉行而都旨所謂必欲遛免之說似有曲循之意如是之故近來

呈告紛紜亦為推考可也司成進伏洪進伏 上曰小學題辭不云

乎惟聖性者浩其天建學立師以培其根以達其枝此文以三字

列書粘付于明倫堂壁上矣大成有師儒之責教導訓誨專在大

欲

成不可不勉而大學題辭亦云作之君作之師予有君師父三責而
近來士習不端予案為愧豈可專責渠輩亦予之過也以近日事言
之父兄不能禁其子弟瞽叟之子亦大舜盜跖之兄有柳下惠孟
子亦云鵠之肉豈不由於其人之氣稟乎以古道言之孔門七十
弟子皆通六藝文武本無異致而中葉以後文武異歧武夫則雖
或有如此事不甚關係而至於士子讀書科工乃是本色如武進
逐儕友則鮮不誤人予於金致事案為慚愧今方行查無則渠
當自脫有則國家當有處分之道而雖以其供見之有隨一二朋
友至犯在色之戒云渠自當而已何可援友也若問其人則自可知
之而往事勿說不拖人故只問其即景判付亦有誨責之語而雖以
此觀之士趨之不端亦可見矣惟其如是故士習漸至不佳予則深

居不能盡知而父兄則可以禁責而溺於私愛不知其子之如何
矣年少儒生輩自可有所聞矣賢關若激濁揚清之事則
豈不有愈乎於偏黨事則或為墨削付黃而如此事則不
為之士習何由以端正乎掌議掌在此而大成既居師儒之長務
正士習可也洪

曰臣於本職萬不稱似求通不得承命入
侍而聖教以同士習憂世道之意纓之至此臣竊欽仰矣古則雖
不家諭戶說而鄉黨有尤老為朝廷有碩德為善者獎許而
不善者規責之矣近世則公議不行士風漸壞身為士子雖不飭
行既無見棄於士流登第亦不有妨於仕路故無所忌憚至於如
此如水益下無以激勵矣幘曰國子長所達誠是矣 旨大司
成所達只是設獎矣果何以則可以救弊耶洪 曰救弊誠難矣

上曰齋任輩必有所懷須悉陳之今日既借文陛方寸之地直陳
無隱可也諸儒未及仰對洪 進曰諸儒亦必別有所懷臣

當先陳矣十年以前則儒生之往來泮宮者多矣近來則以
館學為機穽規避為事儒風至此可見世道之末奈何而一自
疏儒事後士氣一偃消沮絕跡賢關頃者亦以疏儒事有所仰
達而疏儒奉事臣亦以為非矣其時疏儒不知奉事而為之誠極非
矣然而究其奉情案無一毫近似於 涵衷所疑者此輩被罪者
雖若數三人而既曰儒生以疏被罪故此少士氣消沮無餘矣頃雖
解其放歸田里之罰而又施停舉之罰既恕其罪則何必減等也事
已久遠又當慶科其在慰安多士之道不可不快釋疏儒輩矣 上
曰論語云舉直錯諸枉與舉直錯枉王者之道其若舉枉而欲正士

習則不可矣。疏儒事直乎枉乎？雖以父兄教子弟，事言之有不善之事，而槌其一人，則一人戒而讀書可乎？不戒可乎？雖罪其儒，他儒亦可以此厭避之。洪曰：疏儒事雖非矣，士氣

則大抵以此消沮矣。上曰：此真所謂入耳者熟矣。大成習聞士

子之言，故如是言之。其時有下教者矣。疏儒欲陷趙明履而至於

皇朝事，予雖涼德薄，學習孰聞見，亦知尊周之義，而其時至

有付籤之舉，至今心痛。故頃見尹紹所付黃紙，至為大開眼目，以

見蓋於其時，心驚故也。頃者亦不云乎？此乃疏儒。今若解停，則當

見今科而得叅，亦非異事。如此之人，將用之乎？相曰：今雖解停，

渠輩或有不赴者而洪之意，非欲使解赴於今科也。只願

聖明特加蕩滌，都忘前事矣。上曰：予豈忘之？至今思之心痛矣。

上下教於齋任曰今日既借方寸之地汝輩各陳所懷可也商曰

聖教以士習之不正縷々為教至以近日事下教同有士子之名故

臣實惶愧矣上曰禮記云齒學之禮予亦冠儒巾服青袍同

士子齒學汝輩雖未及見究其本則同是士子予亦慚愧矣所謂一魚

混川豈可謂盡如此乎士習何由以不佳乎商曰聖教以士習不正至有

下詢而臣以年少淺識無所知見無以仰對矣然而古則世有碩德宿

儒為世師表主張士論激濁揚清故賢關士論不行故士習日漸不

佳莫可收拾矣上曰古有宿德云者其言甚是矣儒曰此儒所達同有

士子之名故宗為慚愧云者其言甚是矣上曰色掌以次陳達碩進

伏上曰誰也洪曰校理李奎之子也碩曰臣於昨年為泮任而相

揖禮未及為之故齋中凡事初不干涉矣聞有入侍之命蒼黃入侍

而及承聖教以習不正繆之為教臣誠慚愧矣上曰相揖禮云者何

也洪曰新榜進士與居齋儒生相揖然後始得入齋叅食堂

矣

上謂

頌載

曰士習不正云者非責爾等也正士習之道專在太學故

云々矣

頌載

曰太學乃首善之地太學正然後士習可正矣上曰爾言

是矣

頌載

曰士習果未正而臣何以明知其々之如此乎上曰非欲使

爾等指名告之湏以士習達之可也今以金

良致

所供觀之士習無可言

矣

商輅

進伏上曰彼儒誰也洪

及諸承旨曰前翰林李

輅

之子也

上曰何時為齋任乎

商輅

曰正月間見差而臣父以五十草土積傷

生病待瘳以送故

釋菜時亦不得行公矣今承入侍之命蒼黃入來

矣大司成雖已陳達而既陳所懷之教故敢達而疏儒事誠過舉矣

其時曲折臣遠在鄉不能詳知而暨以誤聞造說為其疏舉而

天威震疊至於罪其父兄自此以後士氣一倍摧沮至於賢關
無一人投足者蓋恐其或以某事罪及父兄故耳 上神色稍嚴

勵洪 進伏曰此儒所陳辭不達意而其時 處分父子所坐雖

云不同案則終不免以子罪父之歸渠輩之冤痛迫切當如何
似此情狀正宜 聖上惻惻處故敢達矣 上曰罪父兄事予亦追

悔而前於洪鼎敵入 侍時亦有 下教者矣予既追悔故今番疏決

時尹光所犯甚重而知其有九十老父故特為出陸而此則予甚

追悔矣頤曰大司成掌議既已陳達而疏儒 處分之後士氣果為

消沮矣 上曰彼儒亦陳之植進伏 上曰誰也洪 曰故惠郎李淨

之子也福曰延平子孫矣 上曰下教汝亦聞之否植曰臣所居稍左

未及進來推後入 侍故不能聞之矣 上曰掌議傳之掌議以 上教

以金匱事云々傳之。上曰何必曰金匱云々乎。以近日事云々。可櫛曰。近日士習誠不端矣。上曰。則設弊。湏言其弊源也。櫛曰。上古治平之世。豈無一二不善之人。近來亦豈一二善士而在前。則有激濁揚清之氣。故不善之人有所懲畏。近來則雖於朋儕間。以偷合苟容為主。稍涉言議。則父子兄弟以是相戾。故氣節衰頽。士習之不端。直由於此。而疏儒事。諸儒已有陳達而疏儒事。雖或非矣。同為士流。而一朝被無前罪罰。便同鬼死。孤悲自此。以後士氣漸覺消沮矣。上曰。上古今世之達是矣。若果善為激濁揚清。則好而過則亦不無其弊矣。今世之人。豈必盡為不善也。若謂之士。趨皆不端。則誣一世也。士氣豈因予而推沮無餘耶。秦始皇極為暴虐。設大鼎烹二十七人。流涎以待茅蕉。非祿之臣而挺身敢言曰。願備

二十八宿之數假使吾雖為始皇之暴士氣則亦不當如此矣洪

曰臣等所達士氣消沮云者只以目下言之若當可死之地則安知無幾人之效死乎 上曰皇朝末節義最多而予則於 皇朝士深以

為慨然也 皇朝末宜無可諫之事而曾無一人諫之者至將亡

之日效死立節雖死何補於 國乎予則此無用之節義矣魏徵勿

為忠臣願為賢臣之說予甚是之矣洪 曰諸儒亦已達之矣疏儒

雖非矣 殿下山藪之量 天地之德特解其罰則豈不有光於 聖德

耶 上曰疏儒事予思之痛矣洪 曰雖非矣誤聞造弑之致亦非

黨同伐異之意矣 上曰渠輩果誤聞矣以誤聞之事而為之不亦非乎

然而罪父之事子果追悔矣大成綏之陳達甫等亦以予之故云云則豈

惜解其停舉耶其儒生解停可也洪曰 聖德追悔之意案為懇惻

至解其傳舉凡在瞻聆孰不欽仰乎若以敷衍文字製下則士氣遂可
以振作矣 上曰予既兼君師之責渠輩亦世族之家予為後日之

慮曾有述編矣今豈無貽厥孫謨之事遂當有開示之道矣 上問

商輅曰汝年幾何對曰今方二十九歲矣洪 曰年紀雖少能文有識望重

於儕友間矣 上曰爾可能正士習乎 商輅曰臣年少識淺雖忝居齋任安敢

望其正士習也伏願 殿下務廣 聖學厚施德教以正士習焉 上曰於

汝言予亦歎然矣予若施教則爾能正士習乎汝以儒生以此言達之者

誠甚是矣洪 及 彥進曰齋任所達誠是矣德教行則士習可正矣

上曰汝等俱是世祿之臣湏勿負予今日召見勉務之意可也洪 曰準

點之法雖為申飭而過準點後則更不來若減點數限二三十點而

三十人相等製依到記例設科則似好矣 上曰即今居齋之中

無京儒耶洪

曰京華人既備黜黜後去而不來故即今齋之類皆

居

是鄉儒矣

高輅曰

圓點之法臣則不知其有俞矣

朝家既令準點

赴試故士子亦限點居齋其心出自科舉利欲其於賢關何

益之有哉

頌

曰圓點之法欲使京儒守賢關

聖意非不美矣而

京儒以準點為限準點後不為居齋雖為準點之流亦或有赴食

堂朝夕往來者非守

聖廟之本意乃文具也

上曰不為居齋而

朝夕往來乎

輅

曰豈不居齋而若有事故則亦既無朝夕往來

乎臣亦或有為朝夕往來而大抵京儒只為科欲而圓點故雖為

居齋只參食堂而不為言議可否京儒雖多居齋亦何益也

上

曰文具之說是矣陞補通讀亦豈非文具乎洪

與諸儒承命先為退

出○二十九日以試官牌不進依承傳罷職○四月初七日

嬪宮以

四七九

專曰洪 即為叙用付軍職待令于差備即

拜左承旨仍為謝 恩○十七日景賢堂

咸鏡監司李鼎輔左承旨洪 入侍時 上曰汝在頃者注山訟摘奸

者乎鄭昌俞曰慎徽及琅珩君山訟摘奸臣果注矣 上曰山訟害及

白骨最為殘忍現數者只慎徽也不知有幾慎徽而安知京兆

亦不為曲護耶詞訟為守令之階梯爾其著念奉行也昌退出

上曰此誰耶洪 曰鄭光震之姪也禮賓直長朴建進伏 上問

職姓名仍向職掌建師曰宴享乃致祭等事矣 上曰此誰耶洪

曰故判書朴洙之弟 上曰思汝兄矣今見汝感愴矣建師退出東

活人別提林新澤曰申飭之後太半逃散物故此前數少故禁標

內摘奸及令番勅行時汲水等事甚為苟艱而上司之出牌因

禁亦為難堪之弊矣 上曰巫女則勿為加集使不得得於城內

可也

新

退出洪

曰今以入

侍官負所達觀之諸上司出牌案為

小民難堪之弊矣

上曰既有備局何不禁斷耶洪

曰備局許

多堂上亦皆出牌囚人而其所囚者未必皆公事也備局既如是則恐不得禁斷他司矣 上曰諸上司及備堂事寒心矣

以耳目糾檢嚴飭此後則非公事而有此事者隨現重繩可

也內資奉事閔

百進伏

上問職姓名仍

下教曰予於上年

見汝矣

百曰上年常

叅時入侍矣

上曰此乃驪陽府院君

之孫也洪

曰驪陽府院君奉祀孫也

翼之子也

上問職掌

百曰

御供酒及油清矣

上問遺在百曰燒酒一千二百餘瓶香

醪八百餘瓶油清各二十餘石矣仍退出中郤奉事申

疎進伏

上問職姓名仍問民戶及男丁陳退出西郭奉事宋欽進伏

此誰耶洪曰宋繼之子也上曰汝以武弁之子何為文南子

欽明曰倖竊小科故為之矣仍退出教寧泰奉李養進伏上

問職姓名仍問此誰也洪曰奉朝賀李常之子也上曰汝

父久病不見近則何如鍾曰三年風病今則不能起居於房中矣

上曰其然乎耆社休致之人心甚貴之每欲見之今見汝如見汝

父重養退出○二十五日館所勅使接見後回鑾時以右承旨隨

大駕至崇政門外上降輦乘輿洪進前曰莫重動

駕兵曹郎廳差備不得盡充雖綠諸郎之或有拿命或除

本仕而事體則未安責有所歸不可無警兵曹判書鄭羽良推考

何如上曰依為之○二十六日左副承旨宋昭啓曰備邊司草

記京畿監司李崧親病極重宗無暫時離捨之勢今方陳疏到
政院云勅使回還迫頭而道臣將不得陪行揆以公體私情俱不
可無變通之道令該曹勿拘奏秋之限即為出代使之當日內
辭朝為宜自本院依此 稟旨舉行事草記 允下矣政官即為牌
招開政差出如何 傳曰政官牌招堂上正三品中問于大臣擬望以
入○同日拜京畿監司 傳曰罷漏後留門畿伯使即 肅拜仍
為下直而此等之時教書有追為之例諭書則即速修入上辭疏曰
伏以臣於千萬夢想之外忽伏承畿伯寵擢之 命五內震
剥固知攸措念臣性分之迂拙才識之鹵莽歷試內外畢露本
末則未知 廟堂果何所取而遽擬於是任 聖明亦何所簡
而濫授之無難也顧今夙夜諸賢之舊次宿望不為不多而臣小

新進後生越序驟躡其該物情而玷名器者為如何哉朝臣之初
叨重任者莫不逡巡控籲以成飾讓之例套若臣決不堪至難強
而必欲滌血新免之誠則宗有異於人者計臣擇褐之初則不過
五載距臣強仕之期則尚餘四年矣以愚駸蒙陋之質荷造
化陶甄之澤從前忝竊固非踰涯而辭受有不自由去就未免
卽當每一念至憂愧交深而只幸官位不至甚高責任不至甚重
浮沉奔走上可以少酬 洪濫下可以粗安私分今又冥升不已遽廁
命德之班此無異於鑿蚊蚋以萬斤之重縱莫恤負乘之機獨不
畏患盈之天乎然則 聖上所以眷毗臣身者有違於老其才之義
也賤臣所以蒙被恩榮者將不免災其身之歸也伏惟 聖明至明至
仁無微不燭如臣懷危之懼不待臣言之畢而廢有憫念之也舊伯

有故變通差除送勅凡鄴萬分緊急非不知控訴之非時而情窮勢
蹙迷不知變臣罪至此死何可贖至於幾輔按察職責尤重宗無一
分承當之望而區之所願祝者方在於新資之亟收故未暇煩陳伏願
聖慈察臣血籲之非出例讓將臣新授職秩即賜刊改以重公器以
安私分不勝萬幸 荅曰省疏具悉卿其勿辭速往欽哉○二十七日

謝恩後到界與舊伯李

命坤

交龜送勅事開城府地出去○五月初二日

入來復

命

●十一日景賢堂藥房入診都提調趙

命顯

副提調鄭益京

畿監司洪

入侍時洪

進伏曰小臣以年少無似受前後罔極之恩

而今之擢拜又出格外悚惶無地冒沒承應之後道內民瘼邑弊力加周
察以為一分報效之地而新到之初雖未能詳知其某邑之有某弊大抵民
力之困瘁邑樣之凋殘邑皆然而欲蘓其弊着手無處以是尤為

惶惘矣

上曰畿農何如耶洪

曰上年水沴之處無異辛丑而洞沓

稍豐故海民洞民相資賴漙不至大段饑死且秋年則成棣而春年則以春雨久注之故盡為空穀云矣各邑疲殘難支之中六驛為尤甚決無支吾之勢自前厓馬廳有朝家劃給之錢名之以移營錢而定庫直捧授後各驛中有不得已公用之事則以此錢這一推移救急如干所餘之錢年前庫直盡數盜去尚未捉得惟此一時救急之路又絕之各驛無措手之路莫重傳命之地勢將至絕站之境此案可憫矣上曰李崧為監司時亦以此陳達而有所劃給之物矣

趙顯

命曰不塞生弊之穴只以救急為務則雖日一劃給萬無支當之路

矣洪

曰臣之所達非欲請得其物也方欲查得其生弊之穴而其難

支之狀為先仰陳矣

上曰非但畿驛為然八路之驛皆然云此誠非細

慮矣今番勒行各邑亦有所給之物耶洪曰或銀子十兩二十兩或以

邑之大小而皆給之矣各驛亦為隨大小給之云矣上曰邑驛皆

給耶洪曰然矣洪曰公都會都事例為舉行而本都道事李鳳

因擊鼓人所供自本道查啓已下秋曹而秋曹長官久不行公尚未

出場甚可憫矣上曰鳳自恃官長之勢以私事刑小民極為非

矣削職可矣趙顯曰李鳳雖罪之而山訟果是偷竊則似當別論

矣上曰令本道詳查處決可也洪曰畿都作窠令該曹各別擇

差何如上曰依為之洪又曰訟者見屈而有稱寃之端則或擊鼓或

上言之際平說道理以鳴其寃固其宜也而近來落訟者輒以侵辱訟

官為能事所謂訟官內則京兆外則道臣訟者乃府民道民也渠安敢

以訟事之見屈詎辱京兆與道臣無所顧忌乎此不但有闡風化其辱

朝廷亦大矣此後落訟後擊鼓 上言或有侵辱訟官之事則本
事雖許更查而其侵辱訟官之罪別為照律重繩以存紀綱事
申明嚴飭定式施行何如 上曰依為之 上曰予嘗歷見畿營
之門有京畿監營者有布政司者何處有 殿牌耶洪 曰布政
司之內有 殿牌矣 殿牌奉安處皆為額地欲鳩材修改而無
容手之處此甚為悞矣○八月十一日歡慶殿藥房入診都
提調鄭錫提調李鎮副提調趙明京畿監司洪 水原府使
成錫楊州牧使李輔錫山府使田雲高陽郡守金孝入侍時上
曰道臣守令各陳弊端可也洪 曰近來驛路之凋殘八路同而畿驛
尤甚目下痼弊宜先矯革堂下別星之乘轎為弊不貴申明舊法
更為嚴禁何如 上曰令備局更為嚴禁其犯者施以濫騎之律不

報察訪掩置道臣亦令備局隨現重繩諸道一體申飭赴燕書
狀通信從事依舊例勿問洪 曰堯奠宋兗數邑各不同事體未
安令該曹酌定器數行關分付以為一例遵行之地何如 上曰依為
之洪 曰春秋 釋菜時所用之脯既有尺量而近來列邑作脯大
小不一事甚未安令該曹依舊式更為申飭以為一遵舉行之地
何如 上曰依為之高陽郡守金_{大孝}曰道臣以 釋菜作脯事
有所仰達臣亦有所懷敢達外方鄉校祭位多與續大典不同
作脯封進勢固不足矣且臣待罪抱川縣監時見之則元無東
西廡而配十二賢於 正殿矣 上曰令禮曹一依續大典修舉非
特本郡諸道一依續大典施行而東西廡不備宜祭於廡者同
祭於正殿則非特事體之苟簡便是升堂禮制大段掣肘亦

令該曹同于諸道無廩處一體令建洪 曰以水原以八千兵馬獨

鎮之邑許多策應十倍於他自前有餘結三百餘結補用於軍需及馬役蓋無此則難以成樣故曾任諸臣皆不得報其非私用可知楊州處於東北初站上奉十三陵寢且有十四墓所以其朝家所給十一石月廩萬無支當於凡百酬應之路不知自何年有餘結而五百餘結添補於使供官廩之中排朔用之修簿報營已成謬例故奉朝賀

崔璫奎為奉物時以此注議於其時相臣南執則執以為若無此則本邑

何以支撐乎決不可輕易直報云故仍以置之臣於年前待罪奉州詳知邑中形勢雖頒朝禁至嚴之時兩邑守令出自侍從不敢因循掩置臣亦方為據案論報於備局而兩邑事萬分可慮廣州曾有如此事目自 上特為出給奉州俾補使供軍需今若依此例許給則邑與

民或可得以保存而臣不敢直請敢此仰達矣 上曰既有廣州前
例令備局稟處洪 曰御路變通事體重大而既有所懷惶恐敢達
明陵御路與 昌敬陵同路而舊路因丁亥大水浦落不得不修治新
道矣今則舊路泥生如舊新道反漸浦落且新舊路遠近顯異雖
不敢自下請改而地形則如此矣 上曰其路曾行多矣果若所達依丁亥

以前修治可也遂退出○十月初二日歡慶殿領議政金 龜判尹金 龜行

副司直鄭 龜良禮判李 龜周戶判朴 龜行副司直具 龜璽兵判金 龜尚刑判洪 龜象行

副司直鄭 龜益工曹叅判申 龜思京畿監司 吏曹叅判李 龜天左副承旨

金 龜相副應教尹 龜紹掌令南 龜赫假注書魏 龜興趙 龜命記法官朱 龜炯記事官盧

泰入侍時領相金 龜魯曰頃因忠清監司李 龜躋造奏軍作未事有許施

之命而他道亦令一體舉行矣昨日備坐已與諸堂有所區畫兵曹駉步

軍布作米古無此規而創自己百年間矣

木一百五十同戶曹木一百五十同賑廳木一百同禁御兩營木各七十同監
營木三百同黃海監營木一百同代錢一萬兩黃海兵營木六十同合
為一千同分排於三南京畿作米三萬餘石事有所磨鍊矣 上
曰依為之魯曰此事昨於備局之坐臣亦叅聞而區々迷見則窃謂有三
如值歲熟米賤之時各以奉道財貨作米以置則最有宗效誠
為便好而今也不然本道既無取用之財貨故不計軍需及經費所
用括出京城如干見儲之物要援遠外留置之穀此不緊一也三南
豐而西北饑急於救民也不暇顧則雖傾竭輦下財力一邊作米
一邊移轉猶可也而今則只為些少之慮為此不緊之務此不緊二
也國家方講守城之議則根本之地不可不固雖一端布自外而聚

於內則可自內而散於外則不可況目下各衙門軍需兵戶曹經費可謂哀痛而今之為此舉者恐未免失於輕重此不緊三也大抵作米之法既不得廣及則在小民未必為大惠且畢竟用處豈專歸於賑資乎苟使此事利於國而惠於民則軍需經費雖曰縮而又縮何惜之有而其害既不若此則臣意以為不可為矣上曰已酉年故相臣李佐有所建白而創作米之法至今多用而有益於民國故今亦欲用行而博施濟眾堯舜猶病苟利於民則予欲行之兵判所達守都城言固是矣而藩籬亦重矣重臣所達如此諸臣亦為陳其輕重利害可也鰥曰軍作米之規蓋為二道一則年豐之時儲穀以備水旱賑饑之資一則作米木貴之時為紓民力也今則經費涸竭作米儲置恐非其時今年之事不至於米至賤而木大貴必無

案惠於民矣經費之司各軍門固難責出許多木同至於閩
西則近來蓄積漸至耗竭不無深憂尤不可取用如以輕重論
之當今之勢作米差輕還寢無妨矣鵠曰閩西之匱竭亦非細
慮矣翺曰臣則於此事利害實有未晰然者矣以大體論之豐
年買穀凶年賑民誠是好事而自已酉以來所買之穀多用
於不緊之處今則所餘無多若括取許多財貨買穀之後又復
如前浪用則其為不緊甚矣以此觀之臣則案未知其利害矣
上曰卿則以為輕重何如耶翺曰臣則以為如前歸於不緊之用
則不買為便矣鏞曰軍布作米曾於凶年多賴其效及今乘賤
買置則非不知為日後可用之資亦可為軍民一時之惠而但近來
兵戶曹之經費各衙門之軍需蕩然無餘可謂哀痛目前別無

緊急可用之事指出千同之木質置米穀不念經費軍需之凋
竭恐非長策兵判所達誠有意見矣敕曰國家多蓄儲則今
此作米目前為民惠日後為賑廳資豈不為好而但今無急用
之處而以經費軍需括出作米極甚重難且捧布乃是應捧
者以奉布捧之民知應納木花雖貴似無怨言且作米久為留
儲則未必盡為賑穀而有形勢監司與各衙門有力者因緣請
得多為費之歸此亦可憫矣上曰此則戶判所達誠然矣而既許
忠清道他道亦可許之矣尚曰江倉在都城不過十里之近而猶
令移倉者聖意何在也軍需經費今若盡括而不幸有軍旅
水旱之憂則如之何哉臣雖有司之臣而兵曹百五十同木之得失臣
非慳惜也上曰以奉道財貨作米以置則便好云者此則兵判之

言是矣

聖

任曰姑無目前之急而只為日後之資頃出不足之軍需恐

非長策臣之所見亦與兵判無矣洪濂曰諸臣所達皆有所見臣

別無他議而軍作米非古法自是道臣守令所樂聞蓋出於要

譽之意而畢竟民力之所費無減於納布恐近於違道干譽臣

意則本以不便為至於閩西財力今審徃來時細察之殆至於危急

決不可捐出數百同本矣領相曰違道干譽之說則萬之不顧矣

毅曰作米之政非干譽也上曰譽字太過矣洪濂曰為目前小惠

不思軍需經費則終非善政也濂曰大臣之意則在於過豐儲穀逢

凶賑民而諸臣之言出於惜費矣上曰若以彼此輕重言之則果

何如耶濂曰民惠則小而損失國財則多輕重可謂判異矣

建思

曰儲穀則固好而昨日備局之坐有司之臣以經費之罄竭為憫此

亦不可不念矣諸臣既以輕重判異仰達臣亦無別般意見矣輔天曰
輕重則諸臣既已達之臣無別般所見而作米未易有案效作米便
是代捧而臣待罪外藩時還上代捧雖請得於廟堂不過為

一時小惠有司之臣以經費為惜亦有意見矣上曰道臣亦陳

所見洪曰此亦衰世之意也君與相蓋欲為民設施而因軍需
之不足諸臣若是持難可見國計之哀痛且軍作米初雖為民
儲穀間為各衙門之請得畢竟區處或不免有名無案有司
之爭執誠宜矣而若以民情論之以此綿貴穀賤之歲使民不
納木而納米則豈不為案惠乎上曰此亦道臣之言故如此矣洪

曰頃以順懷墓立碑事因承旨所達已有成命故今方經紀
舉行而既有所懷安敢不陳乎各陵未盡立碑而先始墓所碑

後事體似或如何惶恐敢達矣 上曰所達是矣置之洪 曰南

陽慘被昨年海溢之灾府使尹泰志以擇差之人綏經賑政多有經紀

未及收殺而頃日政移臺職矣臺臣事體甚重雖未敢請其仍

任而邑事則誠可憫故惶恐敢達矣 上曰果如所達則仍任可

矣大臣之意何如領相金魯曰南陽民情之惜去誠如道臣所達

自 上特命仍任未有不可矣 上曰特為仍任諸臣以次退出





